

**Protocol da la sezzüda dal Cussagl cumünal da mardi,  
17 november 2009, a las 20.00, acta 39**

Preschaints: Jon Carl Rauch; Chasper Alexander Felix, Georg Salomon,  
Marianne Werro-Lehmann, Jachen Andri Schmidt e  
Rico Zini (protocol)

**Tractandas:**

**333. Protocol**

Il Cussagl cumünal approva il protocol da la sezzüda dals 9 november 2009, acta 38.

Protocol

**334. Orientaziuns**

1. Scumond official – Val Sinestra

Il capo orientescha chi saja minch'on a partir dals 1. november scumondà officialmaing da transir in Sinestra. Als 5 november ha gnü lö però in Sinestra il Grond Bal Ladin. Quist scumond d'eira quella jada na amo signalisà. In avegnir gnarà quista lavur da la signalisaziun remarchada permanent aint il quadern da dovairs.

Orientaziuns

2. Zona per hotels

Il schef da fabrica orientescha sur da la charta entrada da l'investur. El ingrazcha fich per la sezzüda, cha no vain organisà, insembel culs uffizis chantunals. El es suot ün tshert squitsch da temp e seis böt es d'avair realisà l'hotel pel 2012. Eir il lö darà amo andit da discussiuns.

3. Zona per indigens Flüs

Il Cussagl cumünal piglia a cognizium ün e-mail dals novs possessurs da la parcella 607 a Flüs chi saja darcheu pussibel da trattar in connex culla realisaziun d'üna zona per indigens in quel lö.

4. Zona da mansteranza a Parnarsura

Il capo orientescha chi saja entrà amo üna dumonda d'ün mansteran per pudair gestir eventual seis affar illa zona da mansteranza a Parnarsura. Il schef da fabrica piglia quist'orientaziun, in vista a la planisaziun cumünala, a cognizium.

**335. Incendi chasa Ulrich Vital – Sot Pradè**

Il schef da fabrica orientescha chi saja gnü refat per l'inviern provisoricamaing il tet da la chasa da sar Ulrich Vital, la quala d'eira arsa in favrer 2009. Quist on aintrarà amo üna dumonda da fabrica per refar tuot la chasa.

Incendi chasa  
Ulrich Vital,  
Sot Pradè

**336. Permiss da fabrica – Alan Zlatar - Saiv dasper la via – Curtin Sura**

Sün dumonda da sar Zlatar decida il Cussagl cumünal da dar il permiss per far la lavur seguaintamaing:

1. Tenor la dumonda acclusa al permiss da fabrica.
2. Il permiss vain concess il prüm üna jada be per la stagiun d'inviern 2010. La saiv nu das-cha impedir la rumida da naiv.
3. Il Cumün inchascha seguaintas taxas tenor il reglamaint da taxas e sia agiunta:  
- taxa da trattamaint: fr. 50.--

Permiss da fabrica,  
Alan Zlatar,  
Saiv dasper la via,  
Curtin Sura

**337. Permiss da fabrica – Daniel Zangger – S-chala interna – Stron 245**

Sün dumonda da sar Daniel decida il Cussagl cumünal da dar il permiss per far la lavur seguaintamaing:

1. Tenor la dumonda acclusa al permiss da fabrica.
2. Il Cumün inchascha seguaintas taxas tenor il reglamaint da taxas e sia agiunta:  
- taxa da trattamaint: fr. 100.--

Permiss da fabrica,  
Daniel Zangger,  
S-chala interna,  
Stron 245

**338. Permiss da fabrica – Albert Peer – Ingrondimaint porta e fanestras – Archas Sura 211**

Sün dumonda da sar Albert decida il Cussagl cumünal da dar il permiss per far la lavur seguaintamaing:

1. Tenor la dumonda acclusa al permiss da fabrica.
2. Maximala largezza da la porta 2 m.
3. Il Cumün inchascha seguaintas taxas tenor il reglamaint da taxas e sia agiunta:  
- taxa da trattamaint: fr. 100.--

**339. Permiss da fabrica – Wolfgang Bosshardt – Lingia nouva d’aua – Sur En**

Sün dumonda da sar Wolfgang decida il Cussagl cumünal da dar il permiss per far la lavur seguaintamaing:

1. Tenor la dumonda acclusa al permiss da fabrica.
2. Aint illa vasca existenta ha da gnir fat ün schieber cun ün contadur.
3. Taxa d’attach d’aua: fr. 200.--(taxa minimala)
4. Il Cumün inchascha seguaintas taxas tenor il reglamaint da taxas e sia agiunta:  
- taxa da trattamaint: fr. 50.--

**340. Preventiv 2010**

Il Cussagl cumünal repassa in fond agiuntas e correcturas il sböz dal preventiv da gestiun e quel da l’investiziun pel 2010. Als 30 november 2009 ha lö la sezzüda üsitada insembel culla cumischiun sindicatoria e’l silvicultur cumünal.

**341. Festa 100 ons Quar**

Il schef turistic infuormescha in detagl sur dal preventiv previs per la festa dals 100 ons dal Quar (gallarias in Uina). Las sortidas s’amuntan sün fr. 15'000.-- e las entradas previssas sun fr. 9'000.--. Il Cussagl cumünal decida d’integrar quistas cifras aint il preventiv.

**342. Elecziun cumischiun “Uorden da pulizia bassa”**

Per elevurar ün uorden da pulizia bassa pel Cumün da Sent vegnan elets dal Cussagl cumünal las seguaintas persunas in üna cumischiun:

- Georg Salomon (president da la cumischiun)
- Men Werro-Wöll
- Mario Zanetti

**343. Surdatta lavuors lavuratori cumünal**

Davo avair tut cogniziun dal riassunt da l’architecta e las spiegaziuns decida il Cussagl cumünal da surdar la seguainta lavur.

1. Lavurs da sanitari (s-chodamaint)

Benderer GmbH, Sent

fr. 53'172.20

**344. Diversas schefs**

1. Fermativa – Bus da skis a Sala

Il Cussagl cumünal decida da laschar far a la grupp da god pels skiunz duos bancs chi servan a Sala sco lö d’aspet pel bus da skis.

Permiss da fabrica,  
Albert Peer, ingrondir  
porta e fanestras,  
Archas Sura 211

Permiss da fabrica,  
Wolfgang Bosshardt,  
Lingia nouva d’aua,  
Sur En

Preventiv 2010

100 ons festa Quar

Cumischiun uorden da  
pulizia bassa

Surdatta lavuors,  
lavuratori cumünal

Diversas schefs